

植物名實圖考長編

三十七

也有烏藥茶以烏藥嫩葉爲之能補中益氣一名山葉或以金
鷲薤搗去苦汁合兒茶毛茶爲之東莞以芝麻諸油雜茶葉爲
汁煮之名研茶謂能去風濕解除食積可以療饑云

阜蘆

木類卷之三十一



靈壽木

本草拾遺靈壽木根皮味苦平止水作杖令人延年益壽生劒
南山谷圓長皮紫漢書孔光年老賜靈壽杖顏注曰木似竹有
節長不過八九尺圍可三四寸自然有合杖之制不須削理也
陸璣詩疏楮櫟節中腫可作杖以扶老今靈壽是也今人以爲
馬鞭及杖宏農其北山甚有之毛晉廣要爾雅云楮櫟郭註腫
節可以爲杖鄭註按此木似藤節目相對今人以爲杖甚奇爾
雅翼云楮櫟也草木疏云節腫似扶老卽今靈壽是也今人以
爲馬鞭漢書孔光傳賜靈壽杖孟康曰扶老杖師古曰木似竹

有枝節長不過八九尺圍三四寸自然有合杖制不須削治也
山海經云廣都之野靈壽實華王粲頌云寄榦堅正不待矯揉
陳藏器云生劒南山谷圓長皮紫作杖令人延年益壽


說文解字注梲櫝也大雅其櫝其梲釋木毛傳皆云梲櫝也陸
機云節中腫似扶老卽今靈壽是也今人以爲馬鞭及杖郭云
腫節可以爲杖按杖以木者曰靈壽亦曰扶老漢書孔光傳賜
靈壽杖孟康曰扶老杖也服虔曰靈壽木名郭注山海經亦云
靈壽木名似竹有枝節常璩云朐忍縣有靈壽木劉逵云靈壽
木出涪陵楊雄作靈節銘皆是也以竹者名扶老杖中山經其

上多扶竹郭云邛竹也高節實中中杖名之扶老竹漢書之邛竹杖王逸少以邛竹杖分贈老友皆是也靈壽木與邛竹皆以節勝陸氏云梔卽靈壽然梔與靈壽俱見山海經郭不云一物若陶潛云策扶老以流憩則又未識其爲梔與靈壽也從木居聲九魚切五部按郭音祛字林橫紀庶反橫梔也從木貴聲求位切十五部詩音義曰去塊反何音璽

植物名實圖考

卷三

本草綱目



相思子

本草拾遺相思子平有小毒通九竅治心腹氣令人吐止熱悶頭痛風痰殺腹藏及皮膚內一切蟲又主蠱毒取二七枚未服當吐出生嶺南樹高丈餘子赤黑間者佳

北戶錄相思子有蔓生者與龍腦相宜能令香不耗干寶搜神記云大夫韓馮妻美宋康王奪之馮自殺妻投臺下死王怒令冢相望宿昔有文梓木生二冢之端根交於下枝錯其上宋王哀之因號其木曰相思樹

本草綱目李時珍曰相思子生嶺南樹高丈餘白色其葉似槐

其花似阜茨其莢似扁豆其子大如小豆半截紅色半截黑色
彼人以嵌首飾段公路北戶錄言有蔓生者用子收龍腦香相
宜令香不耗也

胡頹子

本草拾遺胡頹子熟赤酢澁小兒食之當果子止水痢生平林間樹高丈餘葉陰白冬不凋冬花春熟最早諸果莖及葉煮汁飼狗主癘又有一種大相似冬凋春實夏熟人呼爲木半夏無別功根平無毒根皮煎湯洗惡瘡疥并犬馬癘瘡

本草綱目李時珍曰陶隱居注山茱萸及櫻桃皆言似胡頹子凌冬不凋亦應益人陳藏器又於山茱萸下詳著之別無識者今考訪之卽雷斅炮炙論所謂雀兒酥也雀兒喜食之越人呼爲蒲頹子南人呼爲盧都子吳人呼爲半含春言早熟也襄漢

人呼爲黃婆孌象乳頭也劉績霏雪錄言安南有小果紅色名
盧都子則盧都乃蠻語也胡頹子卽盧都子也其樹高六七尺
其枝柔輭如蔓其葉微似棠梨長狹而尖面青背白俱有細點
如星老則星起如麩經冬不凋春前生花朵如丁香蒂極細倒
垂正月乃敷白花結實小長儼如山茱萸上亦有細星斑點生
青熟紅立夏前采食酸澀核亦如山茱萸但有八稜輭而不堅
核內白綿如絲中有小仁其木半夏樹葉花實及星斑氣味與
盧都同但梗強硬葉微圓而有尖其實圓如櫻桃而不長爲異
耳立夏後始熟故吳楚人呼爲四月子亦曰野櫻桃其核亦八

棧大抵是一類二種也子酸平無毒根主治吐血不止煎水飲之喉痹痛塞煎酒灌之皆效葉主治肺虛短氣喘欬劇者取葉焙研米飲服二錢葉頽葉治喘欬方出中藏經云甚者亦效如神云有人患喘三十年服之頓愈甚者服藥後胃上生小癰瘡作痒則瘥也虛甚加人參等分名清肺散大抵皆取其酸澀收斂肺氣耗散之功耳

宋書五行志廢帝昇明元年吳興餘杭舍亭禾蕈樹生李實禾蕈樹民間所謂胡頽樹

櫚木

本草拾遺櫚木味辛溫無毒主破血血塊冷嗽並煮汁及熱服
出安南及南海人作床几似紫檀而色赤爲枕令人頭痛爲熱
故也

海藥謹按廣志云生安南及南海山谷胡人用爲床坐性堅好
主產後惡露衝心癥瘕結氣赤白漏下並剉煎服之

格古要論木與降真香相似亦有香其花有鬼面者可愛花麤
而色淡者低

本草綱目李時珍曰木性堅紫紅色亦有花紋者謂之花櫚木

可作器皿扇骨諸物俗作花梨誤矣

南越筆記紫檀花梨鐵力諸木廣中用以製几匣床架古今注
紫梅木出扶南色紫亦謂之紫檀廣州志花欄色紫紅微香其
紋有若鬼面亦類狸斑又名花狸老者文拳曲嫩者文直其節
花圓暈如錢大小相錯者佳瓊州志云花梨木產崖州昌化陵
水鐵力木理甚堅緻質初黃用之則黑黎山中人以爲薪至吳
楚間則重價購之通志云一名石鹽一名鐵棱

蔘木

海藥本草蔘木謹按蜀記云生南中八郡樹高數十餘丈闊四五圍葉似飛鳥翼皮中亦有麪彼人作餅食之廣志云作飯餌之輕滑美好白勝桄榔麪味平溫無毒主補虛冷消食彼人呼爲蔘麪也

本草綱目李鼎珍曰蔘字韻書不載惟孫愐唐韻莎字註云樹似桄榔則蔘字當作莎衣之莎其葉離披如莎衣之狀故謂之莎也張勃吳錄地理志言交趾檳木皮中有白粉如米屑乾之搗末以水淋過似麪可作餅食者卽此木也後人譌檳爲莎音

相近爾楊慎卮言乃謂榲木卽桃榔誤矣按左思吳都賦云麴有桃榔又曰文榲槲櫚旣是一物不應兩用矣按劉欣期交州記云都勾樹似榲櫚木中出屑如桃榔麴可作餅餌恐此卽榲木也

南越筆記瓊州以南椰粉爲飯曰椰霜飯南椰與椰子樹不同其精液形色氣味皆類藕蕨之粉故曰南椰粉性溫熱補中本草以爲莎木麴也